

Rakija

Deda pod šljivu rakiju kuha.
Babica ga špota jer su mu črljena vuha.

Deda se smije i zube kaže,
gledi me i veli glejč ju kak laže.

Vražica stara piti mi neda.
Vjutre meste rakije daje mi meda.

Veli pijača mi škodi,
a zapraf ne zna kak mi to godi.

Smesti se neda, rakiju kuha
i zbilja - črljena mu vuha.
Taki i vujec dojde na probu
i na sve zube fali mu robu.

Veseli su muži dok rakija teče,
jen drugomu kupicu v ruke meče.
Nazdravljaju kak svati
dok got ih rakija v postelju ne sprati!

Deda još zutra v hižu beži,
niš ne govori, same leži.
Babica nad njim krunicu moli
makar je pijan, senek ga voli!

Pomori Bogek i dede i bake
kre tulike rakije nije im lake!

Tia Horvat